

## **Nalunaarutinit missingiutit Kalaallit Nunaannut inatsisitigut kinguneqartussat pillugit tusarniaaneq**

26. April 2024

J.nr. 20205001334

Sullivinnik Nakkutilliisoqarfiup matumuuna nalunaarutit tulliuuttut tusarniutigalugit nassiuppai:

- Kalaallit Nunaanni sulisilluni ajoqusersinnaanermut isumannaarineq pillugu inatsit malillugu inuussutissarsiornermi nappaatigilikkat nalunaarutigineqarnissaat pillugu nalunaarut (siusinnerusukkut Kalaallit Nunaanni sulisilluni ajoqusersinnaanermut sillimmasiisarneq pillugu inatsit naapertorlugu nakorsat aamma kigitit nakorsaasa inuussutissarsiutip nappaatigilersittagaanik Arbejdsskadestyrelsimut nalunaaruteqartussaataitanerat pillugu nalunaarut)
- Kalaallit Nunaanni sulisilluni ajoqusersinnaanermut sillimmasiisarneq pillugu inatsit malillugu napparsimasut katsorsarneqarnerannut atortutigullu ikiorsiissutitut aningaasartuutit akilerneqarnissaat pillugit nalunaarut
- Kalaallit Nunaanni sulisilluni ajoqusersinnaanermut isumannaarineq pillugu inatsimmut nalunaarut malillugu suliffimmut suliffimmillu angallassinermi sulisilluni ajoqusersinnaanermut isumannaarinnineq pillugu nalunaarut (siusinnerusukkut Kalaallit Nunaanni suliffimmut suliffimmillu ingerlanneqarnermi sulisilluni ajoqusersinnaanermut isumannaarineq pillugu nalunaarut)

Suliassaqarfimmi nalunaarutini attuuttooreersuni nutarterinerit, naleqqussaanerit kiisalu oqaatsitigut aqqissuussinermut tunngasunik aqqiinerit pingaarnertut pineqarput. Qallunaat nalunaarutaanni nutarterinernut kingullernut, nutarterinerit, Kalaallit Nunaanni pissutsit malillugit naleqqussaanerit allannguutigalugit, pingaarnertut naapertuupput. Nutarterinerit ilaatigut 2016-imi Arbejdsmarkedets Erhvervsikring-ip pilersinneqarnerata aamma kingunerisaanik pipput.

Kalaallit Nunaanni sulisilluni ajoqusersinnaanermut isumannaarineq pillugu inatsimmut nalunaarut malillugu suliffimmut suliffimmillu angallassinermi sulisilluni ajoqusersinnaanermut isumannaarinnineq pillugu nalunaarut taamaattoq nutaamik oqaasertaliorneqarpoq, taamaalilluni suliassaqarfimmi qallunaat nalunaarutaannut, Kalaallit Nunaanni pissutsit malillugit naleqqussaanerit allannguutigalugit, naapertuutilerluni. Nalunaarut taanna inatsiseqartitsinermi pissutsit pillugit imaqarnermigut erseqqissaanernik ataasiakkaanik imaqarpoq, taakkulu ataatsimut isigalugit ajoqusersimasut inatsisitigut inissisimanerannik allannguinnigillat.



**Arbejdstilsynet**



Sullivinnik Nakkutilliisoqarfiup oqaaseqaateqartoqassappat oqaaseqaatit kingusinnerpaamik ulloq 3. Juni 2024 tiguneqarnissaat noqqaassutigissavaa.

Tusarniaanermut akissutit Sullivinnik Nakkutilliisoqarfimmut, adressimut uunga [at@at.dk-mut](mailto:at@at.dk-mut) aamma uunga Tor Even Münter-imut [tem@at.dk-mut](mailto:tem@at.dk-mut) nassiunneqaqquneqarput.

Inussiarnersumik inuulluaqqusilluta

Sullivinnik Nakkutilliisoqarfik